



Խմբագրատան հասցէ՝

Պէյրուք. Նահր Իպրահիմ փ.,
Թէքէան Կեդրոն, 2-րդ յարկ, Ժըմէյզի

Երեւան. Մամուլի շէնք, Հիմնական
Մասնաշէնք, 2-րդ յարկ, 213ա,
Արշակունեաց 2

Շաբաթ 03.09.2022

85րդ Տարի, թիւ 87 (22,557)

1500 Լ.Ո. / 8 Էջ

@ zartonkadl@gmail.com

+961 1 444225
+961 81 306 447

www.zartonkdaily.net
facebook.com/zartonkdaily

P.O.BOX 11-617 Beirut-Lebanon

Լիբանանեան Լուրեր

Լիբանանի Բանտերուն Իրավիճակը Դարձեալ Լուսարձակի Տակ



Անցնող օրերուն մէկէ աւելի լիբանանեան լրատուական աղբիւրներ ազդեցիկ տեսանկյունի հրապարակեցին Լիբանանի բանտերուն եւ մասնաւորապէս «Ռումիյէ»ի կեդրոնական բանտին մասին:

«Արեւելք» յղում կատարելով MTV կայանին կը հաղորդէ, որ անցնող Փետրուարէն ի վեր լիբանանեան բանտերուն մէջ մահացած են 18 բանտարկեալներ եւ իրավիճակը

այնքան բարդ է, որ լրագրողներէն մին մասնաւորապէս «Ռումիյէ»ի բանտին մասին խօսելով զայն բնութագրած է, որպէս «մահուան բանտ» մը:

Կը նշուի նաեւ, որ բանտերը ներկայիս ունին գերխճողուած վիճակ մը, բան մը որ ջուրի, սնունդի եւ բժշկական խնդիրներուն կողքին կը դառնայ իրավիճակը աւելիով տագնապելի դարձնող ազդակ մը: Կը նշուի նաեւ, որ յատկապէս անցնող օրերուն շրջանառութեան մէջ դրուած են կարգ մը լուսանկարներ, որոնք կը ներկայացնեն բանտարկեալներու անմխիթար իրավիճակը, ուր անոնք կը տառապին մաշկային ամենատարբեր եւ նոյնիսկ վտանգաւոր հիւանդութիւններէ:

Հիմա Էական հարցումը կը մնայ հետեւեալը, որ Լիբանանի ապրած այսքան խճուած եւ բարդ օրերուն Լիբանանի բանտերը կրնան «պայթիլ»: Այլ խօսքով, որ արդեօք Լիբանանցի բանտարկեալները նոր ապստամբութեան մը պիտի նախաձեռնեն այդպիսով աւելիով մթազնելով, առանց անոր ալ տոգոյն վիճակի մէջ եղող լիբանանեան երկնակամարը:

Ուղերձ

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի
Շնորհաւորական Ուղերձը
Գիտելիքի, Գրի եւ Դպրութեան Օրուայ Առիթով
(1 Սեպտեմբերի, 2022 Թ.)



Գիտելիքի, գրի եւ դպրութեան օրուայ առիթով Մայր Աթոռ Սուրբ Էջմիածնից Հայրապետական սիրով Մեր օրհնութիւնն ենք բերում եւ շնորհաւորում բոլոր կրթօջախների սաներին ու մանկավարժներին, կրթութեան գործում ներգրաւուած բոլոր պատասխանատուներին:

Սիրելիներ, սկսում է եւս մէկ ուսումնական տարի՝ գիտելիքների ամբարման ու արժէքների ճանաչման, հոգեւոր ու մտաւոր հասունացման, նոր ձգտումների ու ջանադրութեան ժամանակամիջոց, որը նախաշաւիղն է մեր երկրի զարգացման ու առաջադիմութեան: Արդարեւ, իր լուսաւոր ապագային նայող ամէն ժողովրդի եւ հասարակութեան համար ուսումն ու կրթութիւնը առաջնահերթ նպատակներ են: Այդպէս է դարերով ընկալել նաեւ մեր ժողովուրդը՝ նեղութիւններով ի ժամանակներում անգամ վառ պահելով իմացութեան ու կրթութեան ջահը: Այս համոզումը առաւել պիտի առաջնորդի մեզ այսօր, երբ մեր կեանքը խռովուած է պատերազմի ծանր հետեւանքներով, երբ աշխարհն ալեկոծւում է իրարամերժ ընթացքներով: Ներկայ մարտահրաւերների առջեւ առաւել քան անհրաժեշտ է արդիական կրթութեան ապահովումը՝ խարսխուած ազգային եւ հոգեւոր մեր արժէքների վրայ, որպէսզի մեր զաւակները հարազատ մասն իրենց ինքնութեանը եւ աստուածային պատգամների կենսագործմամբ կառուցեն իրենց կեանքն ու ապագան մեր հայրենիքի: «Տունը շինւում է իմաստութեամբ եւ հաստատուում խոհեմութեամբ, եւ գիտութեամբ շտեմարանները լցւում են ամենայն հարստութեամբ ու պատուական բարիքներով» (Առակ.24. 3-4):

Շաբ. էջ 02

Շաբ. էջ 03

Հայկական Լուրեր

Այսօր Արցախի Պաշտպանութիւնը Հայութեան Առջեւ Ծառացած Կարեւորագոյն Մարտահրաւեր Է. Դաւիթ Բաբայեան

Արցախի Արտաքին գործոց նախարար Դաւիթ Բաբայեանն իր ֆէյսպուքի էջին շնորհաւորական ուղերձ յղած է Արցախի Հանրապետութեան հռչակման 31-րդ տարեդարձի կապակցութեամբ:



ՎԱՀԱՆ ԹԵԹԵԱՆ ՄԻՋՆԱԿԱՐԳ ՎԱՐԺԱՐԱՆ

Պրեզիտ՝
Նախկ. եւ Միջն.՝
Մանկապարտեզ՝

ՎԵՐԱՄՈՒՏ
Երկուշաբթի, 19 Սեպտեմբեր 2022
Երկուշաբթի, 26 Սեպտեմբեր 2022
Երկուշաբթի, 3 Հոկտեմբեր 2022

Արձանագրութիւնները կը վերսկսին Սեպտեմբեր 6-ին Երկուշաբթիէն Ուրբաթ կ.ա. Ժամը 9:00 – 12:00

+961 1 260 525 / +961 1 260 574

info@vahantekeyan.com

vahantekeyan.com

Յայտարարութիւն

Թուրք Անդամներէ Բաղկացած Կազմակերպութեան Յայտարարութիւնը՝ Արցախի Հանրապետութեան 31-րդ Տարեկիցին Առիթով. Անուրանալի Ե Ժողովուրդներու Ինքնորոշման Իրաւունքի Սկզբունքը

Գերմանիոյ Ֆրանքֆուրթ քաղաքին մէջ գործող «Միութիւն ընդդէմ Յեղասպանութեան» (Soykirim Karşıtları Derneği) կազմակերպութիւնը, որ յատկապէս բաղկացած է եւրոպայեան թուրք ու քիւրտ անդամներէ, յայտարարութիւն տարածած է Արցախի Հանրապետութեան անկախութեան հռչակման 31-րդ տարեկիցին առիթով: Այս մասին կը յայտնէ Akunq.net-ը՝ վկայակոչելով կազմակերպութեան պաշտօնական Facebook-ի էջին վրայ հրապարակուած յայտարարութիւնը, ուր մասնաւորապէս նշուած է.



«ԽՍՀՄ-ի փլուզումէն ետք, միւս հանրապետութիւններուն նման, Լեռնային Ղարաբաղի Հանրապետութիւնը եւս հռչակած է իր անկախութիւնը, որուն 31-րդ տարեկիցն ալ պիտի նշուի Սեպտեմբեր 2-ին: Արցախի տարածքներուն վրայ ապրող բնակչութիւնը, որուն մեծամասնութիւնը հայ ժողովուրդն է, ժողովրդավարական ճանապարհով ինքնորոշուելով, հանրապետութեան ստեղծման մասին հաղորդեց աշխարհի ժողովուրդներուն ու պետութիւններուն: Իր գոյութեամբ հարեւաններու համար երբեք սպառնալիք չեղած այս հանրապետութիւնը, ստեղծման օրէն ի վեր եւթարկուելով թուրանապաշտ, ծաւալապաշտ պետութիւններու բռնութիւններուն, հրահրուած պատերազմներու հետեւանքով հազարաւոր երիտասարդներ կորսնցուցած է. հարիւրաւոր մարդիկ տեղահան եղած են իրենց հայրենի երկրէն, իսկ ստեղծուած հոյակերտ մշակութային ժառանգութիւնը անհետացած է:

Մտադիր են 107 տարի առաջ արեւմտահայերու եւթարկուած Յեղասպանութիւնը այսօր իրագործել արեւելահայերուն նկատմամբ: Մենք չենք ուզեր այդ բոլորին հանդիսատեսը մնալով՝ մեղսակից դառնալ այդ յանցագործութեան: Որքան որ անուրանալի է ժողովուրդներու ինքնորոշման իրաւունքի սկզբունքը, նոյնքան անժխտելի փաստ է, որ այդ իրաւունքի իրագործումը անխուսափելի է ժողովուրդներու խաղաղ եւ բարեկամական համագոյակցութեան համար:

Այդ առթիւ, «Միութիւն ընդդէմ Յեղասպանութեան» անունով մեր կազմակերպութիւնը կ'ողջունէ Արցախի Հանրապետութեան գոյութիւնը եւ տէր կը կանգնի անոր:

Կը կրկնենք մեր կոչը՝ ուղղուած անոր, որ կատարուող ցաւալի դէպքերը ժամ առաջ դադարեցուին, եւ բացուած վերքերու ապաքինման համար պատասխանատու անձերու կողմէ անհրաժեշտ քայլեր ձեռնարկուին այդ ուղղութեամբ»:

Յիշեցնենք, որ դեռ 1998 թ. Գերմանիոյ Ֆրանքֆուրթ քաղաքին մէջ հիմնուած «Միութիւն ընդդէմ Յեղասպանութեան» կազմակերպութիւնը վերջին 20 տարիներուն աշխոյժ գործունեութիւն ծաւալած է հայերու, յոյներու եւ ասորիներու ցեղասպանութիւններու դատապարտման ուղղութեամբ: Իր ստեղծման օրէն սկսեալ՝ գրեթէ ամէն տարի սոյն կազմակերպութիւնը Ապրիլ 24-ին պատուիրակութիւն ուղարկած է Հայաստան՝ Մեծ Եղեռնի զոհերու յիշատակը յարգելու նպատակով: Բացի այդ, միութիւնը երբեմն հանդէս եկած է տարբեր միջոցառումներով, ինչպէս՝ դասախոսութիւն-սեմինարներ, կլոր սեղան-քննարկումներ եւ այլ հետաքրքրական ձեռնարկներ, որոնք բոլորն ալ նուիրուած եղած են Թուրքիոյ կողմէ իրագործուած ցեղասպանութիւններու հետեւանքներու վերացման (Այդ մասին անելի մանրամասն տես՝ <https://akunq.net/am/?p=63285>):

Միութիւն ընդդէմ Յեղասպանութեան կազմակերպութիւնը ժամանակ առ ժամանակ ցոյցեր իրականացուցած է Ֆրանքֆուրթի մէջ Թուրքիոյ հիւպատոսարանի կամ Գերմանիոյ մէջ Թուրքիոյ այլ ներկայացուցչութիւններու մօտ՝ յիշեցնելով այդ երկրին իր սարսափելի ոճիրներուն մասին: Նման մեծ ցոյց կազմակերպուեցաւ Հայոց Յեղասպանութեան 100-ամեայ տարեկիցին, 2015 թ. Ապրիլին Ֆրանքֆուրթի մէջ Թուրքիոյ հիւպատոսարանին առջեւ: (Այդ մասին մանրամասն տես՝ <https://akunq.net/am/?p=44334>):

Դժբախտաբար, անցեալ տարի սոյն կազմակերպութիւնը թագաւա-



Պատմութեան Մէջ Այսօր

Իւան Թուրկենեւ



Իւան Թուրկենեւ (Ivan Sergeyevich Turgenev) (9 Նոյեմբեր 1818, Օրէօլ, Ռուսական կայսրութիւն – 3 Սեպտեմբեր 1883, Պուժիվալ (Bougival), Ֆրանսա), ռուս իրապաշտ գրող, բանաստեղծ, իրապարակախօս, թատերագիր, թարգմանիչ: Ռուս գրականութեան դասականներէն մէկը: Փեթերսպուրկի գիտութիւններու կայսերական ակադեմիայի ռուսերէնի գիծով թղթակից անդամ, Օբսֆորտ համալսարանի պատուաւոր դոկտոր (1879): Հեղինակ է վէպերու, վիպակներու եւ պատմուածքներու, որոնցմէ ամէ-

նէն շատ ճանչցուած են եւ բազմաթիւ լեզուներով (այդ կ'ընդգրկէ նաեւ հայերէն) թարգմանուած են հետեւեալները. «Նախօրէին» (անգլ.՝ On the Eve) (1860), «Ծուխը» (անգլ.՝ Smoke) (867), «Հայրեր եւ որդիներ» (անգլ.՝ Fathers and Sons) (1862) վէպերը, «Որսորդի Յիշատակարանը» (անգլ.՝ A Sportsman's Sketches) (1852) պատմուածքներու ժողովածուն, «Մուսու» (1852), «Գարնանային Ձուրեր» (1872), «Յաղթական Սիրոյ Երգը» (1881) վիպակները: Թուրկենեւի ստեղծած գեղարուեստական համակարգը մեծ ազդեցութիւն ձգած է 19-րդ դարու երկրորդ կեսին՝ ո'չ միայն ռուս, այլեւ՝ արեւմտաեւրոպական վէպի բանաստեղծական արուեստի վրայ: Իւան Թուրկենեւը առաջինն էր ռուս գրականութեան մէջ, որ սկսաւ ուսումնասիրել «նոր մարդուն»՝ վաթսուսականի անձը, անոր բարոյական յատկանիշները եւ հոգեբանական առանձնա-յատկութիւնները: Իրեն շնորհիւ ռուսաց լեզուին մէջ սկսաւ լայնօրէն կիրառուիլ «նիհիլիզմ»ի (ոչնչապաշտութեան) եզրը: Ան արեւմուտքի մէջ գրականութեան եւ թատերգութեան քարոզիչն էր: Իւան Թուրկենեւի ստեղծագործութեան ուսումնասիրութիւնը պարտադիր մաս կը կազմէ Ռուսաստանի հանրակրթական դպրոցական ծրագիրներուն մէջ:

Ուղերձ

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի Շնորհաւորական Ուղերձը...

Սկիզբը Էջ 01

Մեր աղօթքն ու մաղթանքն է, որ Աստուած լուսաւոր պահի մեր կրթօ-ջախները, օրինի մանկավարժների աշխատանքը՝ կրթելու մեր ժողովրդի արժանաւոր զաւակներ եւ պարգեւի ձեզ ուժ ու եռանդ ձեր նուիրա-կան առաքելութեան մէջ: Սիրելի սաներ, զօրացէք ջանասիրութեամբ, քաջարթուն մտքով ու հոգով եւ ձեր ուսուցիչների առաջնորդութեամբ ու միասնական ջանքերով ուսումնական տարին առատ դարձրէք արդիւնքներով, որոնք պիտի լուսաւորեն ձեզանից իւրաքանչիւրի եւ մեր ողջ ժողովրդի ճանապարհը ու ծառայեն աստուածապարգեւ մեր հայրենիքի զօրացմանն ու առաջընթացին:

Թող Աստուած Իր Ամենախնամ հովանու ներքոյ խաղաղութեան մէջ առա-տապէս օրինի ու հանապազ պահպանի մեր հայրենիքն ու ժողովրդին:

Օրինութեամբ՝

ԳԱՐԵԳԻՆ Բ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

րակի հետեւանքով կորսնցուց իր հիմնադիր Նախագահը՝ Ալի Էրթեմը: Այնուամենայնիւ, գնահատելի է, որ հակառակ յարգարժան Ալի Էրթեմի անժամանակ եւ ցաւալի մահուան՝ միութիւնը կը շարունակէ իր հայանապաստ գործունեութիւնը:


**Արեւելահայերէնի թարգմանեց Մելինէ Անումեան
Արեւմտահայերէնի վերածեց ԵՌԱԳՈՅՆ-ը**

Եզիպտականք (5)

ԱՐՄԵՆԱԿ ԵՂԻԱՅԵԱՆ

Այնուհետև օրերը նորանոր թելադրանքներ բերին Շամ-պոյիոնին, եւ ան յաջողեցաւ վերծանել եգիպտերէնի գրային համակարգի հնչիւնագիր մօտ 30 գրանշաններու՝ գրեթէ ամբողջութիւնը, եւ առ այս ան 1824-ին շարադրեց տեղեկագիր մը՝ ուղղուած եգիպտագետներու:

Տպաւորութիւնը ցնցիչ էր, թէեւ քննադատներ ալ ունեցաւ անխուսափելիօրէն, որովհետեւ այնքան անակնկալ ու մեծ էր նուաճումը, որ դժուար էր հաւատալ անոր ամբողջական վաւերականութեան: Տակաւին խոր տարակուսանք կը տիրէր ամենուրեք:



* * *

Ուրեմն կը նկատենք, բերուած ցանկին վրայ, այն հսկայական աշխատանքը, որ յաջողած է իրագործել Շամպոլիոն.

--Ան յաջողած է ճանչնալ միահնչյուն 24 մեհենագրերէն 20-ը (գ. սիւնակ),
ոմանք իրենց զանազան ենթատեսակներով, երբեմն մինչեւ 15 ենթատեսակ
կամ տարբերակ:

–Ան մեկնաբանած է անոնց ռամկագիր (demotika) տարբերակները եւս (բ. սիւնակ):

--Ճշգրծ է ասոնց արտասանութիւնը ըստ յունական այբուբենին (ա. սիւնակ): Այս տուեալներով՝ Շամայովիոն լայն կը բանար դռները եգիպտագիտութեան նուիրեալներուն առջև, որոնք պիտի ուզէին աւելի առաջ երթալ՝ շնորհիւ այն հրաշալի գործիքին, որ ինք կը դներ անոնց ձեռքերուն մէջ:

Փաստորեն ամբողջ գիտաճիւղի մը առջեւ մէկ օրէն միւսը կը բացուէին ամենալուսաւոր հորիզոնները, որոնք հազարամեակներով մութին մէջ մնացած էին:

* * *

Իսկ Շամայրիոնի աստղը շարունակեց տարածուիլ ու փայլիլ աշխարհով մեկ:
--1814-ին ան հրատարակեց «Եգիպտոս փարաւոններու օրով» ծաւալուն
աշխատութիւնը:

--1828-ին անոր թողնադրուեցաւ պետութեան
հաշուոյն գիտարշաւ մը կատարել ղեպի
Եգիպտոս, ուր ան մնաց երկու տարի՝ մէկ
կողմէ ստուգելով գիտելիքները, միւս կողմէ
ամբարելով նորերը:


--1830-ին հրատարակեց իր «Եգիպտերենի քերականություն»-ը:

—1831-ին իր պատուոյն հնագիտական ամբիոն մը հաստատուեցաւ Collège de France-ի մէջ, եւ ինք եղաւ առաջին վարիչն ու տնօրէնը այդ ամբիոնին:

--1841-ին՝ յետմահու հրատարակուեցաւ «Եգիպտերէնի բառարան»-ը:

Բայց ահա անժամանակ խարխլեցաւ անոր առողջութիւնը, որուն հանդէպ այնքան անխնայ վարուած էր:

Շամպոլիոն մեռավ 4 մարտ 1832-ին՝ 41 տարեկան հասակին:



**Ռամկագիր յուշարձան
Պտղոմեաններու օրէն**

* * *

1833-ին պետութիւնը գնեց անոր ձեռագրերը, գծագրութիւնները եւ գիրքերը: Վեց դպրոցներ Ֆրանսայի տարածքին կոչուեցան իր անունով՝ յատուկ գուցանակի վրայ արձանագրուած:

1970-ին Աստղաբաշխութան միջազգային ընկերությունը Շամբուլիոնի անունը տրուաւ Լուսնի վրայի խոռոչներէն մէկուն:

--1986-ին թանգարան մը բացուեցաւ Համպոլտիոնի ծննդավայրին՝ Ֆիթսկի մէջ, Նախագահ Ֆրանսուա Միթթերանի ձեռքով:

* * *

Ուրեմն ճամպոյիոն մեկնաբանած էր միահնչիւն մեղեկագրերը:

Անդին կը մնային բազմահնչիւն՝ երկհնչիւն, եռահնչիւն, քառահնչիւն աւելի քան 700 մեհենագրեր, որոնց վերծանումին պարտէին լծուիլ հետագայ եգիպտագետները, ինչ որ պատուով ու նուիրումով ըրած են անոնք: Սըր Ալան Կարտիքըրի «Եգիպտերէնի քերականութիւն» կոթողական աշխատութիւնը ինամբով ցանկագրած է զանոնք, եւ այստեղ կարելի է անդրադառնալ, թէ համադրական ինչպիսի՜ վսեմ աշխատանք տարուած է քիչ մը բոլոր ազգերու պատկանող եգիպտագետներու կողմէ, որոնց բազուկներն ու ճակատները իրարու միացուցած է հազարամեայ համր մեհենագրերու նուիրական սերը:



Մեմնուհի զոյգ կոլոսները, 18 մ, Վերին եգիպտոս:
Կը գտնուին Ամենտֆիս Գ.-ի (ԺԳ. դար Զա.) դամբարանին կից
տաճարի բակին մէջ: Օրին այս քարեղէն հսկաները լալագին ճիւղեր
կ'արձակէին, երբ առտուն արեւուն շողերը իյնային իրենց վրայ

Իսկ թե ինչպե՞ս նման արհեստագիտութեան մը հասած էին եգիպտացիները այդ դարերուն, ուր կը լացնէին անշունչ քարը, – կը մնայ ամեղծուած մը, ինչպէս շատ ուրիշ բաներ:

Հայկական Լուրեր

**Այսօր Արցախի Պաշտպանությունը Հայություն
Առջեւ Ճառացած Կարեւորագոյն
Մարտահրաւեր Է. ԴԱԼԻԹ Բաբայեան**

Սկիզբը էջ 01



«Թանկագին հայրենակիցներ, բարեկամներ, կուսակիցներ, Արցախի պահպանողական կուսակցութեան եւ անձամբ իմ անուկից ի սրտե շնորհաւորում եմ բոլորիս Արցախի Հանրապետութեան հռչակման 31-րդ տարեդարձի կապակցութեամբ:

Արցախի Հանրապետության ստեղծումը հայ ժողովրդի պատմության կարևորագույն էջերից է, մեր մեծագույն յաղթանակներից եւ աշխարհաքաղաքական յայտերից մեկը: Նրա պաշտպանության, զարգացման ու զօրացման գործում մասնակցել է ողջ հայութիւնը:

Արցախի համար իրենց կեանքն են նուիրել հազարաւոր մեր հայրենակիցներ, եւ այսօր Արցախի պաշտպանութիւնը հայութեան առջեւ ծառացած կարեւորագոյն մարտահրաւեր է, որից կահուած է մեր ժողովրդի ապագան:

Կեցցէ՛ Արցախի Հանրապետութիւնը:

Կեցցե՛ համայն հայրութիւնը»:

Լիբանանահայ Դպրոց

Երկու Տարուան Դադարէն Ետք Ովասիս Ամառնային Ճրագիրը Իրականացաւ 22-րդ Տարին Ըլլալով

25 Օգոստոս 2022-ին, Յովհաննէս Պօղոսեան թատերասրահին մէջ տեղի ունեցաւ Հայ կաթողիկէ Մեսրոպեան արուեստից վարժարանի ՈՎԱՍԻՍ ամառնային ճրագիրի փակման հանդիսութիւնը, ներկայութեամբ Սուրբ Փրկիչ եկեղեցւոյ ժողովրդապետութեան պատասխանատու հոգեւորականներուն, ծնողներու եւ բարեկամներու:



2022-ի "Ովասիս"ին բացումը տեղի ունեցած էր 5 Յուլիսին. այդ օր,



քորոնա ժահրի համավարակին պայմաններուն բերումով երկու տարուայ պարտադիր դադարէն ետք լիբանանահայ պատանիներու եւ պարմանուհիներու սիրելի ամառնային ճրագիրը յայտարարած էր իր վերադարձին մասին:

22-րդ "Ովասիս"ը երկարեցաւ 8 շաբաթներու վրայ, որուն ընթացքին մասնակից մանուկներն ու պատանիները տարբեր խմբակներու մէջ զբաղեցան մարզական եւ այլ խաղերով, նկարչութեամբ, ձեռնային աշխատանքներով, երգով ու պարով:



Փակման հանդիսութեան անոնք ներկայացուցին գեղարուեստական ճիւղի յայտագիր մը տարբեր ազգութիւններու մշակոյթները ներկայացնող պարերով եւ փունջ մը երգերով՝ հեղինակութեամբ "Ովասիս"-ի հիմնադրութեան օրէն երգի խմբակները ղեկավարած պարոն Մանուէլ Բէշիշեանի. յատկանշական էր, որ այս տարի երգի խմբակներու ղեկավարման մէջ անոր յաջորդած էր զաւակը՝ տաղանդաւոր երաժիշտ Գեորգ Բէշիշեան: Տեղի ունեցաւ նաեւ "Ովասիս"ի շրջանակին մէջ



կայացած SEMAS հաշուողական դրութեան մրցոյթի յաղթականներուն մրցանակաբաշխութիւնը:

Շար. Էջ 05



Լիբանանահայ Դպրոց

Երկու Տարուան Դադարէն Ետք...

Սկիզբը Էջ 04



Փակման խօսքին մէջ Մեսրոպեանի տնօրէն պարոն Կրէկուար Գալուստ գոհունակութիւն արտայայտեց, որ երկու տարուան ակամայ դադարէն ետք "Ովասիս" ամառնային ծրագիրը վերադարձաւ նախկին եռանդով եւ արդիւնաւետութեամբ, ինչ որ յստակ պատգամ մըն է այն մասին, որ Մեսրոպեանի յարկին տակ կրթական բնոյթի բոլոր աշխատանքները պիտի

շարունակուին անխափան՝ հակառակ բոլոր դժուարութիւններուն: Այս առիթով, ան մեծապէս գնահատեց "Ովասիս"-ի կազմակերպիչ պատասխանատուներուն, անձնակազմի բոլոր անդամներուն եւ օգնականներուն նուիրումը՝ ի խնդիր լաւագոյն արդիւնքի իրականացման: Դարոն Գալուստ նաեւ գոհունակութիւն յայտնեց այն մասին, որ SEMAS հաշուողական դրութեան



ուսուցումը մաս կազմեց Ովասիս"-ի ծրագիրին, հաշուի առնելով անոր օգուտները աշակերտներուն մտային կարողութիւններու զարգացման համար: Արդիական չափանիշներու համաձայն վերջերս հիմնովին վերանո-

րոգուած Յովհաննէս Պօղոսեան թատերասրահին մէջ կայացած հանդիսութիւնը փակուեցաւ ովասիսական ուրախ տրամադրութիւններով՝ ապագայի հանդէպ յոյսի եւ հաւատքի ամրապնդումով:



Լիբանանահայ Կեանք

Հայկազեան Համալսարանի Մէջ Դասախօսութիւն՝ Զուպայի Եւ Մեքսիքոյի Հայերու Նուիրում

Չորեքշաբթի, 31 Օգոստոս 2022ի երեկոյեան Հայկազեան համալսարանին մէջ տեղի ունեցաւ հրապարակային դասախօսութիւն մը նուիրուած Զուպայի եւ Մեքսիքոյի հայութեան:

Դասախօսը՝ դոկտ. Զարիս Անթառամեան ծնած է Մեքսիքո: Ան իբրեւ մասնագետ ընկերային մարդաբանութեան, մեղուաջան ու յարատեւ հետազոտութիւններով խմբած վաւերաթուղթերուն, լուսանկարներուն, բանաւոր պատմութեանց ու այլ վկայութիւններու հիմամբ դրուագային ձեւով կատարեց Զուպայի եւ Մեքսիքոյի մէջ հայերու ներկայութեան եւ կենսագործունէութեան պատումը:

Ճիշտ է որ այս երկիրներուն մէջ հայերու հետքերը կ'երթան մինչեւ 17րդ դար, սակայն հիմնական հոսքը հոն եղած է Հայոց

Ցեղասպանութենէն ետք, մանաւանդ 1920ականներուն: Դասախօսը



տոկոսային մանրամասնութեամբ նշեց հայերու տարիներու ներհոսքը դէպի այդ երկիրներ, նաեւ թէ՛ ուր էին անոնց Արեւմտեան Հայաստանի ծննդավայրերը:

Դոկտ. Անթառամեան բացատրեց հայերու այդ երկիրներ մեկնելու դրդապատճառները, յարանուանական այն արգելքները որոնք խոչընդոտած էին հայերու հոն մուտքը, Մ. Նահանգներու կողմէ յարուցուած ցեղային պատկանելիութեան այն օրէնքները որոնք ստիպած էին հայերու միառժամանակ հաստատումը Մեքսիքո եւ Զուպա եւն.:

Դասախօսութեան ընթացքին ներկայացուած լուսանկարները վառ վկայութիւն էին այն կենսագործունէութեան զոր հայերը ունեցած էին այդ երկիրներուն մէջ, ուր գործած են դպրոց, կուսակցա-

կան ակումբներ, թատերախումբ, կատարուած են դաշտային պտուղներ, ընկերային այլեւայլ հաւաքներ եւն.: Դոկտ. Անթառամեան ներկայացուց նաեւ այն արհեստները զորս հայերը զարգացուցած են: Ան շեշտեց թէ ինչպէս բանաւոր պատմութիւնները վառ պահած են հաւաքական յիշողութիւնը անցեալին հանդէպ:

Շահեկան էր նաեւ դիտել հատուածներ 1957ին արձանագրուած գոնաւոր ֆիլմէ մը, որ կը վաւերագրէր այդ շրջանի մեքսիքահայերու կեանքը: Դասախօսութեան աւարտին բարձրացուեցան սիւթէն բխած հարցումներ՝ ինքնութեան, այսօրուան խնդիրներու եւ առաջնահերթութիւններու, Հայաստանի հանրապետութեան դեսպանատան, համայնք-ընտանիքներ փոխառնչութիւններու վերաբերեալ եւն:

Ազահուրեան Զետեւանքով Սնանկանալ

ԲԱԳՐԱՏ ԷՍԴՈՒԳԵԱՆ

Մարդկային զարգացումը կետե մը մեկնող ու յառաջացող ուղիի վրայ նկարագրելը տրամաբանական է: Եթէ զարգացում մը կայ, բնականաբար պիտի ենթադրենք թէ յառաջընթաց մըն ալ գոյութիւն ունի:

Սակայն միշտ չէ որ այդ ուղիի տրամաբանութեան հետեւինք: Երբեմն կը գոյանան այնպիսի երեւոյթներ, ուր կը թուի թէ փոխանակ ընդմիշտ յառաջացող ուղիի մը, դատապարտուած ենք շրջանակի մը: Նոյնիսկ եկե՛նք համարձակինք անհուն ոլորումներ ունեցող շրջանակի մը մասին խօսելու: Նախահայրերը պատասպարութեան համար դիմեցին քարայրներու: Ապահով էր ժայռերու մէջ բնութեան ձեռքով գոյացած այդ խոռոչները:

Շատ երկար տարիներ սնանեցան պատահաբար հանդիպած միրգերով կամ բանջարեղէններով: Հաւաքարարութեան շրջան կոչուող այդ կենցաղին յաջորդեց որսորդութիւնը: Նախահայրերու միակ դաստիարակութեան եղանակը բնագոյի թելադրած պահանջներն եւ կենդանական աշխարհի վարքի ընդօրինակութիւնն էր: Շատ անելի ուշ անդրադարձան հողամշակման կարելիութեան: Պատահական հաւաքարարի դիրքը վերածուեցաւ մնայուն բնակութիւն հաստատելիք գիւղերու ձեւաչափին:

Իւրաքանչիւր զարգացում իր հետ կը բերէր նաեւ նոր ընկալումներ կամ խոչընդոտներ: Մարդը մշտակեաց բնակութիւն հաստատելու հանգրուանին մտաբերեց նաեւ սեփականութեան գաղափարը: Հետզհետէ օրապարիկէն շատ անելի մեծ քանակութեամբ սննդամթերք կուտակելով սկսաւ խորհիլ այդ ունեցումածը ուրիշներու հետ փոխանակելու գաղափարին: Ամէն մէկ զարգացում իր հետ կը բերէր անելի նորին տիրանալու ձգտումը:

Իսկ այսօր հարցականի տակ դրուած են այդ բոլորը: Օրինակի համար մարդ Էակը անցնելով ճարտարագիտական մեծ ոստում մը շատ երկար տարիներ կարեւորեց ճարտարագիտական արդիւնաբերութիւնը: Հասարակութեան զարգացումի չափանիշը ճարտարագիտական ոլորտի մէջ անրձանագրած նուաճումներ էին: Յիշենք թէ շուրջ 50 տարիներ առաջ երեց սերունդը կը դժգոհէր դիտելով այն անարդարութիւնը թէ ճարտարագիտական առումով զարգացած երկիրներու արտածումը շատ անելի շահութաբեր էր բաղդատմամբ հողամշակութեամբ զբաղուող հասարակութիւններու արդիւնաբերութեան: Մենք վականի մը տարողութեամբ ցորեն կ'արտածենք, որուն փոխարէն զարգացած երկիրները փոքրիկ գործիկ մը արտածելով անելի մեծ գումարներ կը գանձեն: Այս բոլորէն ետք սակայն եկաւ նոր հանգրուան



մը, ուր ժողովուրդին թելադրեցին թէ անիմաստ էր զարգացումի համար յոյսը կապել ճարտարապետական արտադրութեան:

Վերջին քանի մը տասնամեակները այս տեսակի կարծիքներու համար փորձութեան շրջան մը եղաւ:

Եթէ խնդիրը դիտենք Թուրքիոյ օրինակով բաւական ցաւալի է պարզուած պատկերը: Փոխանակ իր ունեցած ընդարձակ բերրի հողերուն, Թուրքիոյ գիւղատնտեսութիւնը ամբողջովին սնանկացած է: Աւելի լաւ կենցաղի տիրանալու համար մեծ քաղաքներ խուժած գիւղացիներ մէկ կամ երկու սերունդի տեւողութեամբ արդէն անդրադարձած են իրենց սիւսլին, բայց սրբագրելու կարողութիւնն ալ ընդհանրապէս կորսնցուցած:

Կարելի է խորհիլ թէ անյաջող հետեւանքը ազահուրեան արդիւնքը եղած է: Ուրեմն սիւսլած պիտի չըլլանք, եթէ վերոյիշենք անհուն ոլորտող օդակի օրինակը եւ ըսենք թէ արդի ընկերութեան մէջ զարգացման գաղտնիքը պահուած է հողին եւ հողարդիւնաբերութեան մէջ:

Իբրեւ թէ ոլորտ հանդիսացող Եւրոպական պետութիւններ ճարտարապետական զարգացումի կողքին անհրաժեշտ ուշադրութիւնը ցուցաբերեցին նաեւ հողագործութեան: Իսկ Թուրքիա եւ նման երկիրներ զուրկ ըլլալով երկրի զարգացման համար ազգային ռազմավարութիւն կազմակերպելու միտքէն յայտնուեցան անելի դիմաց:

Գիտնականներու համոզումով Էգոլկիսապէս մաքուր սնունդը մեծագոյն հարստութիւնն է:

«Ակօս»

Այսպէս ալ կ'ապրինք

ԱԲՕ ՊՈՂԻԿԵԱՆ


Տիրութեան աղբիւրները շատ են մեր կեանքի մէջ, ուրախութեանը՝ քիչ:

Պարտութիւն, հողի կորուստ, բազում անորոշութիւններով յագեցած քաղաքական միջավայր, յոյս չներշնչող կարավաճիչներ, տեղէն չշարժող, կամ կէս ճանապարհին մնացած պետական ծրագիրներ, անյուսալի ընդդիմութիւն, ուժեղ պետականութիւն եւ հզօր բանակ ունենալու հեռանկարի բացակայութիւն եւ դեռ շարունը կրնայ երկարիլ:

Ուրախութեան առիթներ կան, բայց պէտք է փնտռել: Տնտեսութեան գրեթէ թռիչքային զարգացման պայմաններէն պէտք է խանդավառուիլ, անշուշտ, բայց տակաւին թոշակառուներու, ուսուցիչներու ստացած բոլոր բարձրացումներով հանդերձ ամսական խղճուկ գումարները, աղքատներու մեծ թիւը՝ թէ՛ քաղաքային եւ թէ գիւղական շրջաններու մէջ ոգեւորութիւնը կը սանձեն:

Վարձքով ապրողներու վիճակի առաւել ծանրացումը՝ բնակարաններու վարձավճարներու թանկացման պայմաններու մէջ տնտեսական զարգացման բարիքներէն օգտուողներու թիւը առաւել կը նուազեցնեն:

Ուրախութիւն է տեսնել զբօսաշրջիկներու թիւի նկատառելի աճը: Որքան ալ տակաւին անբաւարար, սակայն զբօսաշրջիկներուն յարմարաւետ պայմաններ առաջարկող վայրերը շատցած են երկրի գրեթէ բոլոր գեղա-



տեսիլ անկիւններուն: Ներքին զբօսաշրջութիւնն ալ կու գայ ապացուցելու տնտեսական վիճակի բարելաւումը, նաեւ հետաքրքրութեան աճը մեր երկրի հանդէպ:

Կրկնակի ուրախալի է սփիւռքահայ երիտասարդներու մեծ թիւի մը հայրենի հողի վրայ իրենց օճախի սկիզբը դնելու, հարսանեկան խնճոյքը այստեղ կատարելու որոշումը, որու շնորհիւ հազարաւոր երիտասարդներ, պսակուողներու տարեկից նոր սերունդէն ամբողջ բանակ մը հայրենիք կ'այցելէ եւ հայրենի հողին կը կապուի:

Տիրութեան պատճառները շատ են եւ ծանրակշիռ, որոնց դիմաց լաւատեսութիւն քարոզողները կրնան անճրկիլ, չկարենալով արդարացնել յաջողութիւններով, դրական թէկուզ փոքր քայլերով ուրախանալու հոգեւիճակը: Չեմ գիտեր ինչ նպատակի կրնայ ծառայել, օրինակ, հազարաւոր մղոններ կտրած, Հայաստանի մէջ իրենց ընկերոջ հարսանիքին ներկայ երիտասարդին այսպէս՝ ինքնամոռաց ուրախութեամբ պար բռնելու համար:

Հապա մեր զոհերը, անոնք որոնք զրկուեցան ընտանիք կազմելու բախտէն... Ահա ճշող, ընկճող յանցաւորի բարդոյթը, որուն ճիրաններու տակ դժուար կ'ըլլայ շնչել, ապրիլ, ստեղծագործել: Մոռնալը, նահատակներու գերագոյն զոհողութեան հանդէպ յարգանքի պակասը, պետութեան ու բանակի հզօրացման հանդէպ անտարբերութիւնը եւ նման ծանր ամբաստանութիւնները ուղղակի կամ անուղղակի կը նետուին վերապրելու բնագոյն աշխատցնող, կեանքը շարունակելու որոշումը առած մարդոց երեսին:

Ոմանք կրնան քաղքենիական երանգներ փնտռել այս գրողութեան մէջ: Անշուշտ կրնան եւ կը գտնեն: Սակայն այդ գտնողներու շարքերուն մէջ ալ մեծ է կեղծաւորներու, միայն խօսքով հայրենասիրութիւն, ամբողջական յանձնառութիւն քարոզողներու համեմատութիւնը: Անշուշտ այդպէս է, այլապէս մենք այսօր, սրտցաւութիւն ու հարեանասիրութիւն քարոզողներու հսկայ զանգուածի նոյնիսկ նուազագոյն մասնակցութեամբ կ'ունենայինք մեր երազած պետութիւնը, բանակը:

«Սիւլիւնէթ»

Միջազգային Լուրեր

Աշխարհը Այսօր Երրորդ Համաշխարհային Պատերազմը Կ'ապրի. Հռոմի Պապ

Հռոմի Ֆրանչիսկոս պապը յայտարարած է, որ աշխարհն այսօր կ'ապրի երրորդ համաշխարհային պատերազմը: Այս կարծիքը ան յայտնած է Լեհաստանէն հաւատացեալները ողջունելու ժամանակ եւ յիշելով Երկրորդ համաշխարհային պատերազմի բռնկման տարեկիցը, գրած է ՌԻԱ «Նովոստի»-ն:

«Վաղը դուք պիտի յիշէք լեհ ժողովուրդի վրայ այնքան ցաւալիօրէն ազդած Երկրորդ համաշխարհային պատերազմի բռնկման տարեկիցը: Այսօր մենք կ'ապրինք երրորդը (համաշխարհային պատերազմը): Թող անցեալի փորձառութիւններու յիշողութիւնը խրախուսէ ձեզ խաղաղութիւն գարգացնելու ձեր մէջ, ձեր ընտանիքներուն մէջ, հասարակական եւ միջազգային կեանքին մէջ», - ըսած է Հռոմի պապը:



Մշակութային Արձագանգ

Իզմիրի Ս.Սարգիս Հայկական Եկեղեցին Թուրքերը Արուեստի Կեդրոնի Պիտի Վերածեն

Այժմեան Թուրքիոյ Իզմիր նահանգի Մենեմեն քաղաքին մէջ գտնուող կիսաքանդ հայկական Սուրբ Սարգիս եկեղեցին պիտի վերանորոգուի եւ օգտագործուի իբրեւ

«Մշակոյթի ու գիտութեան կեդրոն»: Այս մասին, ըստ Ermenihaber.am-ի, խօսած է Մենեմենի քաղաքապետի պաշտօնակատար Այտըն Փեհլիվանը:

Փեհլիվանի տեղեկութիւններուն համաձայն, եկեղեցին մինչեւ 1922 օգտագործուած է հայերու կողմէ: Յետագային, եկեղեցին մատուցած է անուշադրութեան, որուն հետեւանքով ալ տարիներու ընթացքին կորսնցուցած է նախկին տեսքը: «Անհրաժեշտ արտօսութիւնները ստանալէ ետք մենք մրցոյթ յայտարարեցինք: Վերականգնողական աշխատանքներու աւարտէն ետք կը նախատեսենք անկաւ ծառայեցնել մեր ժողովուրդին՝ իբրեւ արուեստի ու գիտութեան կեդրոն», - ըսած է քաղաքապետի պաշտօնակատարը:

Նշենք, որ Մենեմենի Սուրբ Սարգիս հայկական եկեղեցին լքուելէ վերջ՝ թուրքերու կողմէն որոշ ժամանակ օգտագործուած է իբրեւ զինուորական պահեստ, ապա՝ ախոռ:



Համացանցի Վրայ

Մուսթաֆայի Երազանքն Ու Նպատակը, Հայի Տանը Ապրելն Է, Ոչ Թէ Հայի Հետ Հարեւանութեամբ

Գագիկ Յարութիւնեան իր ֆէյսպուքի Էջին վրայ գրած է.

Ազրայէճանական ատոշարասիւնները կ'անցնեն Հայաստանի մի շարք բնակավայրերով:

Բայց անելի սարսափելին այն է, որ որոշ մեր հայրենակիցներ չգիտակցելով արիւնքի չափը ուրախանում են, որ օրինակ իրենց համագիւղացի Մուսթաֆան կ'անցնի այդ մեքենաներից մէկով եւ իրար ջերմագին կ'ողջունեն կամ կը վերադառնայ եւ կ'ապրեն միասին՝ սիրոյ եւ համերաշխութեան մթնոլորտում:

Տգիտութիւնը թոյլ չի տալիս նկատել, որ

վերոնշեալ Մուսթաֆայի միակ երազանքն ու նպատակը, որի հետեւից այդքան հետեւողականօրէն գնում է, ապրելն է հայի փոխարէն, հայի տանը, ոչ թէ հայի հետ հարեւանութեամբ: Տգիտութիւնն ու ստրկամտութիւնը թոյլ չի տալիս մարդուն հասկանալ, որ շուտով իրենց բնակավայրերում սկսուելու են համատարած առեւանգումներ, բռնաբարութիւններ, սպանութիւններ, գողութիւններ, ամենագումար սողորաններ, որից ինչ խօսք, գուցէ որոշ մեր հայրենակիցներ նաեւ իրենց հօգոր ղեկավարի օրինակով անգամ հաճոյք ստանան...:

ԲԱՆ ՈՒ ԳԻՐ

Ասում են կարօտը խօսիլ չգիտի
Բայց իմ կարօտը արտասուել գիտի,
Ասում են կարօտը լսել չգիտի,
Բայց իմ կարօտը արարել գիտի,
Ասում են կարօտը զգալ չգիտի,
Բայց իմ կարօտը համբերել գիտի,
Ասում են կարօտը տեսնել չգիտի,
Բայց իմ կարօտը երազել գիտի,
Նա ապրել գիտի, նուիրուիլ գիտի,
Խաւարի միջից խենթ բոցավառուել ու մարել գիտի ...

Ասում են կարօտը ատել չգիտի,
Բայց իմ կարօտը հանդուրժել գիտի,
Նա ներել գիտի, ու սիրել գիտի,
Ամեն նոթայից, ամեն հնչիւնից,
Իր լեզուով գոչել, հառաչել գիտի,
Ամեն մի բառը ու ամեն տառը,
Նա յամառօրէն վերլուծել գիտի...
Ասէ՛ք , կարօտը ոչինչ չգիտի՞,
Բայց ես էլ կ'ասեմ, որ իմ կարօտը, տանջուել գիտի...

Պ. ՍԵԻՄԱԿ

ՄՇԱԿՈՒԹԱՅԻՆ ՕՐԱՑՈՅՑ

03 2022
ՍԵՊՏԵՄԲԵՐ

Կրկ Երկ Երք Զրք Հնգ Ուրք Շրք

				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	



ԶԱՎԵՆ ԱՐՇԱԿՈՒՆԻ
(1932 – 2012)
«ԸՆԿԵՐՈՒԽՆԵՐ»

Լիբանանահայ Կեանք

Ճափոնի Ժողովուրդը Գարակեօգեան Հաստատութեան Յատկացուց Չանագան Բժշկական Սարքեր

Չորեքշաբթի, 3 Մարտ 2021-ին Ճափոնական դեսպանատան մէջ տեղի ունեցաւ համաձայնագրի մը ստորագրութիւնը՝ Լիբանանի մէջ Ճափոնի դեսպան Օքուաօ Թաքէշի եւ «Հառուրտ Գարակեօգեան» հաստատութեան տնօրէն Սերոբ Օհանեանի միջեւ։ Ըստ համաձայնագրին Ճափոնի ժողովուրդը Գարակեօգեան հաստատութեան յատկացուց զանագան բժշկական սարքեր \$90,000 ամ. տոլարի արժողութեամբ։



Բժշկական այս սարքերու բացման արարողութիւնը տեղի ունեցաւ Չորեքշաբթի 31 Օգոստոս 2022-ին Գարակեօգեան հաստատութեան կեդրոնական շէնքին մէջ։ Ներկայ էին Լիբանանի Առողջապահութեան նախարար՝ Ֆիրաս Էլ Այյատ, Լիբանանի մէջ Ճափոնի դեսպան՝ Օքուաօ Թաքէշի, Լիբանանի մէջ Հայաստանի Հանրապետութեան դեսպան՝ Վահագն Աթաբէկեան, Լիբանանի թեմի առաջնորդ Գերաշնորհ Տէր Շահէ Արքեպս ֓անոսեան, Պէյրութի թեմի օգնական եպիսկոպոս Հայ Կաթողիկէ պատրիարքութեան՝ Արիիպատիւ Տէր Գեորգ եպս. Ասատուրեան, Հայ Աւետարանական համայնքի ներկայացուցիչ պատուելի Նշան Պաքալեան, Լիբանանի Գարակեօգեան հաստատութեան տնօրէն՝ Սերոբ Օհանեան, վարչական կազմի անդամներ, Լիբանանի դրամատան փոխ կառավարիչ՝ Ալէք Սուրատեան, նախկին նախարար՝ Վարդի Օհանեան, պետական, ազգային կառոյցներու, համալսարաններու, դպրոցներու եւ քոյր կազմակերպութիւններու տնօրէններ եւ ներկայացուցիչներ։ Բացման առաջին բաժինով Առողջապահութեան նախարարի, Ճափոնի եւ Հայաստանի Հանրապետութեան դեսպաններու եւ Գարակեօգեան հաստատութեան տնօրէն Սերոբ Օհանեանի ձեռամբ կատարուեցաւ բժշկական սարքերու գործածման բացման արարողութիւնը ապա ներկաները ուղղուեցան Հայ Աւետարանական Շամէան Թաթի-

կեան վարժարանի սրահը ուր տեղի ունեցաւ պաշտօնական ելոյթները։ Բացման խօսքը կատարեց Հաս-



տատութեան տնօրէն Սերոբ Օհանեան։ Ան ներկաներէն խնդրեց մէկ վայրկեան յոտնկայս յարգել յիշատակը Օգոստոս 4-ի Պէյրութի աղետալի պայթումին անմեղ զոհերուն։ Ապա ներկայացուց հաստատութեան կարճ պատմականը շեշտը դնելով այն իրողութեան, թէ ինչպէս Գարակեօգեան ընտանիքը համաճարակի հետեւանքով իրենց զաւակի կորուստը կրցան վերածել սպեղանիի եւ մահը՝ կեանքի յատկապէս այն ժամանակահատուածին մէջ, երբ տեղի ունեցաւ 1915-ի հայոց ցեղասպանութիւնը եւ թուրք կառավարութիւնը բարբարոս ջարդի կողքին պարտադրեց հայերուն ըլլալ տեղահան եւ որպէս գաղթական բռնել աքսորի ճամբան։ Այն ժամանակ բազմաթիւ հայեր եկան եւ հաստատուեցան Լիբանանի մէջ։ Շարունակելով իր խօսքը, Ս.Օհանեան ըսաւ, այսօր հարիւր տարիներ ետք դարձեալ կը գտնուինք գաղթականութեան առջեւ, կրկին համաճարակ եւ դարձեալ Գարակեօգեան հաստատութիւնը ներկայ է, հաւատարիմ իր հիմնադրութեան առաքելութեան՝ մատուցելու բժշկական անմիջական խնամք անխտիր բոլորին։ Իր խօսքին մէջ անդրադարձաւ թէ 2019 թուականին հաստատութիւնը տարեկան ընդունած էր 49,000 հիւանդ, մինչ այսօր արդէն թիւը հասած է տարեկան 200,000 հիւանդի։ Եւ ներկայիս հաստատութիւնը կը շարունակէ խորհրդանշական գումարներ ընդունելով, մատուցել բժշկական զանագան մասնագիտութիւններ, դեղորայք, տարրալուծարանային քննութիւններ, մտային առողջապահական եւ այլ ծառայութիւններ։ Խօսքի աւարտին յատուկ շնորհակալութիւն յայտնեց Ճափոնի ժողովուրդին իրենց կատարած օժանդակութիւններուն

եւ Լիբանանի Առողջապահական նախարարութեան։ Ապա հրաւիրեց Ճափոնի դեսպան Օքուաօ Թաքէշի, որ իր ուրախութիւնը յայտնեց ներկայ գտնուելու այս արարողութեան եւ հաստատեց, որ իր երկիրը՝ Ճափոնը ըլլալով Լիբանանի բարեկամ երկիր, պիտի շարունակէ հայայթել օժանդակութիւն որպէսզի Լիբանանը կարենայ դիմագրաւել այս դժուարին օրերը։



Խօսք առաւ նաեւ Լիբանանի Առողջապահութեան նախարար՝ Ֆիրաս Էլ Այյատ, որ իր կարգին շեշտեց Առաջնակարգ առողջապահական կեդրոններուն կարեւորութիւնը Լիբանանի մէջ, անդրադարձաւ հաստատութեան պատմականին, թէ ինչպէս հարիւր տարուան ծառայութեամբ կրցաւ լաւագոյն օրինակը հանդիսանալ, յաղթահարելու դժուարութեանց եւ զանոնք վերածելու դրական



առիթներու։ Ան բարձրօրէն գնահատեց Գարակեօգեան հաստատութեան մատուցած ծառայութիւնները, ինչպէս նաեւ շնորհակալութիւն յայտնեց Ճափոնի կառավարութեան եւ Լիբանանի մէջ Ճափոնի դեսպանին, իրենց կատարած օժանդակութեան ընդհանրապէս եւ յատկապէս բժշկական մարզէն ներս, տրամադրելով բժշկական սարքեր եւ solar power system լիբանանի կարգ մը պետական հիւանդանոցներուն։ Խօսքերու աւարտին ցուցադրուեցաւ տեսերիկ մը Հաստատութեան կատարած բազմազան աշխատանքները, Օգոստոս 4-ի Պէյրութի աղետալի պայթումին հետեւանքները, վերակառուցման աշխատանքը եւ Ճափոնի դեսպանութեան կատարած օժանդակութիւններու համաձայնագրերու ստորագրութիւնները 2010, 2014 եւ 2021 թուականներուն։



Յայտագրի աւարտին տնօրէն Սերոբ Օհանեան Առողջապահութեան նախարարին ու Ճափոնի դեսպանին նուիրեց հայկական ձեռագործ նուռը, որպէս խորհրդանշիչ կեանքի եւ պտղաբերումի։ Ձեռնարկը փակուեցաւ պատշաճ հիւրասիրութեամբ։

Յարգելի՛ բարեկամ,

«ՀԱՅԿ ՆԱԳԱՅԵԱՆ ԳՐԱԿԱՆ ԳՆԱՀԱՏԱՆԷ» հիմնադրամը եւ Խ. Աբովեանի անուան Հայկական Պետական Մանկավարժական Համալսարանի «Սփիւռք» Գիտաուսումնական Կենտրոնը Սեպտեմբերի 13-ին, ժամը 14.00-ին սիրով հրաւիրում են Ձեզ հիմնադրամի չորրորդ մրցանակաբաշխութեան արդիւնքների ամփոփմանը։

Հասցէ՝ ՀՀ, ք. Երեւան, Ալեք Մանուկեան 13
Խ. Աբովեանի անուան ՀՊՄՀ 3-րդ մասնաշէնք, 4-րդ յարկ
«Սփիւռք» Գիտաուսումնական Կենտրոնի սրահ